

第二處：普光明殿

(六會)

- 一． 十信-普光明殿
- 二． 十住-忉利天宮
- 三． 十行-夜摩天宮
- 四． 十迴向-兜率天宮
- 五． 十地-他化自在天宮
- 六． 等覺-普光明殿
妙覺-普光明殿



三. 十行 - 夜摩天宮

佛昇夜摩天宮自在品

夜摩天宮菩薩說偈品

功德華聚菩薩十行品

十無盡藏品



華嚴經菩薩十無盡藏品之一

功德林菩薩說十藏名		爾時，功德林菩薩摩訶薩復告諸菩薩言：佛子！菩薩摩訶薩有十種藏，三世諸佛之所演說。何等為十？信藏、戒藏、慚藏、愧藏、聞藏、施藏、慧藏、正念藏、持藏、辯藏。是為十。
信藏——一向堅信護佛種性	知諸法空	何等為菩薩信藏？此菩薩信一切法空無真實、信一切法無相、信一切法無願、信一切法無作者、信一切法不實、信一切法無堅固、信一切法無量、信一切法無上、信一切法不可度、信一切法不生。(信十波羅蜜法空)
	生淨信已得十種心不怯弱	若菩薩成就如是隨順淨信，聞諸佛法不可思議，心不驚怖；聞一切佛不可思議，心不驚怖；聞眾生不可思議，心不驚怖；聞法界不可思議，心不驚怖；聞虛空界不可思議，心不驚怖；聞涅槃界不可思議，心不驚怖；聞過去世不可思議，心不驚怖；聞未來世不可思議，心不驚怖；聞現在世不可思議，心不驚怖；聞入一切劫不可思議，心不驚怖。
	於諸佛所一向堅信	何以故？菩薩於諸佛所，一向堅信，不可沮壞，佛如是知佛無盡無邊智。十方一切世界，一一世界中，三世無量無數諸佛，出興於世，施行佛事而般涅槃。彼諸佛智慧不增、不減，不生、不滅，不盡、不去，不近、不遠，不智、不亂，菩薩成就如是等無邊無盡信藏，則能乘如來乘。
	護持一切諸佛種性	此菩薩成就如是等無量無邊信、不退轉信、不亂信、不壞信、不著信、有根信、隨順聖人信、如來家性信，則能護持一切佛法，長養一切菩薩善根，隨順一切如來善根，從一切佛善方便生，是名菩薩摩訶薩無盡信藏。
	持一切法	菩薩住此信藏，悉能聞持諸如來法，廣為一切眾生演說。
戒藏——成就十戒說真實法	十種戒	佛子！何等為菩薩摩訶薩戒藏？此菩薩成就饒益戒、不受戒、無著戒、安住戒、不諍戒、不惱害戒、不雜戒、離邪命戒、離惡戒、清淨戒。
	饒益戒	何等為饒益戒？此菩薩先當饒益安樂眾生。
	不受戒	何等為不受戒？此菩薩不受外道戒，具足奉持三世諸佛平等淨戒。
	無著戒	何等為無著戒？此菩薩不著欲界戒，不著色界戒，不著無色界戒；何以故？不迴向彼故。
	安住戒	何等為安住戒？此菩薩成就清淨無疑悔戒；何以故？菩薩不作五無間罪，永不故犯一切戒故。
	不諍戒	何等為不諍戒？此菩薩不非先制，不更造立，心常隨順向涅槃戒；皆具足持無所毀犯，不由此戒惱亂眾生，共相違諍，菩薩持戒，但饒益眾生，令歡喜故。
	不惱害	何等為不惱害戒？此菩薩不因持戒，學諸呪術、藥草，惱害眾生；何以故？菩薩欲救護眾生故，持清淨戒。
	不雜戒	何等為不雜戒？此菩薩離斷常見，不持雜戒，但觀察十二緣起，持清淨戒。
	離邪命戒	何等為離邪命戒？此菩薩不作持淨戒相，欲使他知內無實德，現實德相，但持淨戒，一向求法，究竟薩婆若。
	不惡戒	何等為不惡戒？此菩薩不自貢高言我持戒，見犯戒人，不輕賤訶罵，令其憂惱，但一其心，持清淨戒。
	清淨戒	何等為清淨戒？此菩薩捨離殺、盜、邪淫、妄語、惡口、麁言、兩舌、雜語、貪、恚、邪見，具持十善。此菩薩持如是等清淨戒時，作是念：若有眾生犯淨戒者，斯由顛倒諸煩惱故，一切諸佛悉分別知是一切眾生，因諸顛倒，毀犯淨戒；是故，我當專求佛道，究竟無上菩提，廣為眾生說真實法，令離顛倒，淨持禁戒，悉令究竟無上菩提。是為菩薩摩訶薩第二無盡戒藏。

華嚴經菩薩十無盡藏品之二

斷除往昔諸惡 慚藏——	佛子！何等為菩薩摩訶薩慚藏？此菩薩自憶宿命：無數世來，於六親所行無慚行，或侮慢無禮，或姪亂無節，忍害無親，興師相伐，迷惑顛倒，無惡不造，斯由三毒邪疑，使纏虛偽、諂曲諸不善故；一切眾生亦復如是，皆悉積習諸無慚行，斯由無智乃至諂曲故；尊卑失序，不相敬順，不能謙下，遵奉明哲，常懷毒念，怨結滋甚，更相屠害，曾無恥懼。自惟我身及餘眾生，去、來、現在行無慚法，三世諸佛無不知見，我當云何猶行無慚？甚為不可！是故，我應修習慚法，究竟菩提，廣為眾生說真實法，令其永離諸無慚法，成就菩提。是為菩薩摩訶薩第三無盡慚藏。
勤修精進 愧藏——	佛子！何等為菩薩摩訶薩愧藏？此菩薩自愧：昔來貪求色、聲、香、味、觸、法、妻子、眷屬、錢財、寶物、僮僕、車乘，心無厭足，我不應行是諸非法事，因是生長貪、恚、愚癡，乃至諂曲。復作是念：眾生所行無愧之法，皆以無智乃至諂曲，諸惡法故，不相承順、尊敬、供養，常懷毒心，迭相殘害。我及眾生去、來、現在，愛樂貪求，集行是法，因是法故，受胎生死、無量諸苦，三世諸佛皆悉知見，我猶行是無愧法者，三世諸佛皆不歡喜；我當修習愧法，究竟菩提，廣為眾生說如是法，令離無愧，成就佛道。是為菩薩摩訶薩第四無盡愧藏。
聞藏——受持多聞證無上法	佛子！何等為菩薩摩訶薩多聞藏？此菩薩多聞者，所謂：知是事有故是事有，是事無故是事無；是事起故是事起，是事滅故是事滅；是世間法，是出世間法，是有為法，是無為法，是有記法，是無記法。
	何等為是事有故是事有？所謂：有無明，故有行。
	何等為是事無故是事無？所謂：無識，故無名色。
	何等為是事起故是事起？所謂：愛起，故苦起。
	何等為是事滅故是事滅？所謂：有滅，故生死滅。
	何等為世間法？所謂：色、受、想、行、識。
	何等為出世間法？所謂：戒身、定身、慧身、解脫身、解脫知見身。
	何等為有為法？所謂：欲界、色界、無色界、眾生界。
	何等為無為法？所謂：虛空、涅槃、數緣滅、非數緣滅、十二緣起及法界。
	何等為有記法？所謂：四真諦、四沙門果、四辯、四無所畏、四念處、四正勤、四如意足、五根、五力、七覺支、八聖道分。
	何等為無記法？所謂：世間有邊，世間無邊，世間有邊無邊，世間非有邊非無邊；世間有常，世間無常，世間有常無常，世間非有常非無常；如來滅後如去不受，如來滅後不如去亦不受，如來滅後如去不如去亦不受，如來滅後非如去非不如去亦不受；有我有眾生，無我無眾生，有我無我，有眾生無眾生，非有我非無我，非有眾生非無眾生；過去有幾如來滅度、幾聲聞緣覺滅度，未來有幾如來、幾聲聞緣覺、幾眾生生，現在有幾佛、幾聲聞緣覺；何等如來最初出世？何等聲聞緣覺最初出世，何等眾生最初生，何等如來最後出世，何等聲聞緣覺最後出世，何等眾生最後生；何等諸法最在初，何等諸法最在後；世間從何處來、去至何所、有幾世界成、有幾世界敗，世界從何所來、去至何所；何等為生死最初際，何等為生死最後際。是名無記法。
	菩薩摩訶薩作如是念：眾生長夜流轉生死，童蒙、凡夫不知修道，我當晝夜精勤學問，受持一切諸佛法藏，究竟成就無上菩提，廣為眾生說真實法，普令一切成無上道。是為菩薩摩訶薩第五無盡多聞藏。

華嚴經菩薩十無盡藏品之三

施藏——勤修十施善觀有為成就清淨	施藏	佛子！何等為菩薩摩訶薩施藏？此菩薩修行十種施，所謂：施法、最後難施法、內施法、外施法、內外施法、一切施法、過去施法、未來施法、現在施法、究竟施法。
	修習施	何等為菩薩修習施法？此菩薩從本以來，習平等施，珍饌美味不自貪著，惠施一切，其餘諸物亦復如是。所施之餘，然後自食，作是念言：為我身中八萬戶蟲故，我身安樂，彼亦安樂；我身飢苦，彼亦飢苦。是故，菩薩有所服食，皆為諸蟲，欲令安樂，不貪其味。菩薩復作是念：我長夜為身貪求飲食，當勤精進，速離此身。是為菩薩修習施法。
	最後難施	何等為菩薩最後難施法？此菩薩若得種種上味飲食、香華、衣服、資生之具，若自己受用，則快樂長壽，若盡以施人，則窮苦天命。時，有乞人一切求索。菩薩自念：吾從本際以來喪身無數，未曾損己利一眾生，令獲大利，希有之慶，當捐棄身命，悉捨一切，饒益眾生，究竟大施，是為菩薩最後難行施法。
	內施	何等為菩薩內施法？此菩薩於少壯時，形體端嚴，顏容殊特；澡浴清淨，服上妙衣，嚴飾之具，受灌頂轉輪王位，七寶具足，王四天下。時，有乞人來詣王所，而自陳曰：大王！當知我今衰老，身嬰重疾，榮獨苦厄，無人贍救，生路既窮，必之死地；若得王身，隨所應用，或須手足，或須血肉，或須頭目，或須髓腦，若大王慈仁，矜哀窮老，捨離貪身以救我者，必蒙天施，得全性命。菩薩即作是念：今我此身亦當如彼，會應歸死，無一饒益，宜時捨身，以濟其命。念已歡喜，施彼眾生，是為菩薩內施法。
	外施	何等為菩薩外施法？此菩薩於少壯時，形體端嚴，顏容殊特，澡浴清淨，服上妙衣，嚴飾之具，受灌頂轉輪王位，七寶具足，王四天下。時，有乞人來詣王所，作如是言：大王！當知我今衰老，身又嬰疾，餘命無幾，終此貧苦，而王具足一切快樂。善哉大王！願捨天位，哀施於我，我當統領天下，受王福樂。菩薩即作是念：富貴無常，必歸貧賤，若在貧賤，無所饒益，不能滿遂眾生所願；是故，我今宜時捨位，稱悅其意。念已歡喜，即捨與之，是為菩薩外施法。
	內外施	何等為菩薩內外施法？此菩薩於少壯時，形體端嚴，顏色殊特，澡浴清淨，服上妙衣，嚴身之具，受灌頂轉輪王位，七寶具足，王四天下。時，有乞人來詣王所，作如是言：大王！當知今我老邁，身又嬰疾，不以衰賤，竊希美號。善哉大王！願以王身、七寶、天下、轉輪王位，以授於我，令我具足，受王慶樂。菩薩即作是念：我身財寶，俱非堅固，無常、危脆、磨滅之法。我今盛壯，富有天下，乞者現前，三事具足；是故，於此不堅固法，當求堅固。作是念已，倍大歡喜，即捨內外而施與之，是為菩薩內外施法。
	一切施	何等為菩薩一切施法？此菩薩於少壯時，形體端嚴，顏容殊特，沐浴香湯，服上妙衣，嚴身之具，受灌頂轉輪王位，七寶具足，王四天下。時，有乞人來詣王所，作如是言：大王！當知大王名稱普聞十方，我乃在彼國，服承王問，自遠而來，欲有所請。善哉大王！願隨所欲，充滿我意。爾時，乞者或求國城、妻子、眷屬、肢節、血肉、頭目、髓腦。爾時，菩薩作是思惟：一切恩愛，會當別離，無所饒益，不能果遂眾生諸願。我今應當離貪貧行，一切速捨，饒益眾生。作是念已，倍大歡喜，悉捨一切，惠施眾生，是為菩薩一切施法。
	過去施	何等為菩薩修習過去施法？此菩薩聞過去諸佛菩薩所行具足功德；聞已不著，了達非有，不起妄想，不貪、不味；觀察諸法，心無所著，諸法如夢，無有堅固，於諸善根，不起有想，心無所著，但為化眾生故，示現其身，廣說道教，欲令眾生成就佛法。又復觀察過去諸法，十方推求都不可得。菩薩如是觀已，復作是念：過去諸法皆悉捨離。是為菩薩修習過去施法。

華嚴經菩薩十無盡藏品之四

施藏——勤修十施善觀有為成就清淨	未來施	何等為菩薩修習未來施法？此菩薩聞未來世諸佛菩薩所行善根，具足功德。聞已，而不取相，心無所有，不求往生彼方佛刹，無諸求想，不生行願，攝心不散、不味、不厭，不以善根迴向於彼，不為生彼專修善根，亦不廢捨；但因彼境界教化眾生，欲令眾生具足佛法，觀察真實。此真實法非有處所、非無處所，非內、非外，非遠、非近。復作是念：若法非有，不可不捨。是為菩薩修習未來施法。
	現在施	何等為菩薩修習現在施法？此菩薩聞四天王、三十三天、夜摩天、兜率陀天、化樂天、他化自在天、梵天、梵身天、梵輔天、梵眷屬天、大梵天、光天、少光天、無量光天、光音天、淨天、少淨天、無量淨天、遍淨天、密身天、少密身天、無量密身天、密果天、不煩天、不熱天、善現天、善見天、色究竟天，聞聲聞、緣覺具足功德。聞已，心不惑亂，正念不忘，不懈不沒，亦不憂惑，其心寂滅而無所取。菩薩唯作是念：一切諸行，皆悉如夢，一切所行，皆非真實，眾生不知，故流轉惡道。菩薩於彼，廣為說法，遠離諸惡，成就佛法，修菩薩道，心無惑亂，是為菩薩修習現在施法。
	究竟施	何等為菩薩究竟施法？此菩薩摩訶薩有無量眾生，形類不同，往詣其所，作如是言：我有所須，幸垂周給，我意既足，仁願亦滿。菩薩聞是語已，歡喜踊躍，隨其所求，施令滿足。菩薩摩訶薩內自觀察：從初入胎，不淨微形，胞段諸根，生老病死；又具觀此身：無有真實，無所有相，無慚愧物，賢聖所棄，惡露臭處，猶如死屍，骨節相持，血肉泥塗，九竅之門，常流不淨。菩薩見身無量過患，乃至不起一念貪惜是身，復作是念：此身危脆，我當云何既見此身無量過患而生貪著？應當棄捨，施彼眾生，充滿其願。我當於此不堅法中，求堅固法，令一切眾生，隨其所願，悉得滿足；開悟示導，皆令逮得清淨法身，住無所住，離身心相。
		是為菩薩摩訶薩第六無盡施藏。
慧藏——依般若智明世間法	四諦法等二十八種如實知	佛子！何等為菩薩摩訶薩無盡慧藏？此菩薩知色苦如實，知色集如實，知色滅如實，知色道如實，知受、想、行、識苦如實，知識集如實，知識滅如實，知識道如實；知無明苦，知無明集，知無明滅，知無明道；知愛苦，知愛集，知愛滅，知愛道；知聲聞，知聲聞法，知聲聞集，知聲聞涅槃；知緣覺，知緣覺法，知緣覺集，知緣覺涅槃；知菩薩，知菩薩法，知菩薩集，知菩薩涅槃。
	以少方便了一切法自然明達不由他悟	云何知？知從業報因緣所造，諸行非我、非堅固、無真實、空無所有，不取諸法堅固之相，不取諸法所有之相，知一切法悉無所有，廣為眾生說真實法。云何為說？說一切法不可壞。何等不可壞？色不可壞，受、想、行、識不可壞，無明不可壞，聲聞法、緣覺法、菩薩法不可壞。何以故？一切諸法不自作，不他作，言語道斷，離一切處，不生、不起、不施、不受、無有心意。菩薩成就如是等無盡慧藏，以少方便，則能逮得一切諸法善妙方便，自然明達，不由他悟。
	十不可盡	此智慧藏有十種不可盡。何等為十？多聞善方便不可盡；親近善知識不可盡；演一句法不可盡；入深法界不可盡；入無量智慧莊嚴不可盡；出生、長養諸功德藏，心無憂厭不可盡；入一切陀羅尼門不可盡；分別了知一切眾生語言、音聲不可盡；得普令眾生離諸疑惑不可盡；得一切佛自在示現教化眾生，所行成就不可盡；是為十種不可盡法。
	得無盡智	是為菩薩摩訶薩第七無盡慧藏。菩薩住此無盡慧藏，疾得無上平等正覺。

華嚴經菩薩十無盡藏品之五

念藏——得具足念入佛道場親近諸佛	得十種具足念		佛子！何等為菩薩摩訶薩無盡念藏？
		佛	此菩薩捨離癡冥，憶念過去一生、十生、百生、千生、萬生，乃至阿僧祇不可思議無分齊不可說億那由他生，成劫、壞劫、成壞劫、非一成劫、非一壞劫、非一成壞劫、百劫、千劫、百千億那由他劫，乃至阿僧祇不可思議無分齊不可說億那由他劫；（此微細數法依阿僧祇品具百多轉，下同）
		法	念知一佛名號，乃至不可說不可說諸佛名號；
		僧	念知授一佛記，乃至授不可說不可說諸佛記；
		精進	念知一佛出世，乃至念知不可說不可說諸佛出世；
		禪定	念知從一佛所受一修多羅，乃至不可說不可說佛所受不可說不可說修多羅；
		般若	祇夜、授記、伽陀、因緣、憂陀那、本事、本生、方廣，未曾有譬喻，憂波提舍亦復如是；（知十二部經）
		方便	念知一會眾一時說法，乃至不可說不可說時會說法；
		願	念知一根，乃至不可說不可說諸根；
		力	念知一煩惱，乃至不可說不可說諸煩惱；
		智	念知一三昧，乃至不可說不可說諸三昧。
	十種念法		菩薩作如是念：妙念、淨念、不濁念、遍淨念、離塵念、離種種塵念、離垢念、光曜念、樂念、無障礙念；
	入佛道場無所障礙		此菩薩住是念時，一切世間不能燒亂，諸根清淨，不復染著一切世間，眾魔外道所不能壞，念持一切諸佛法藏，決定明了，未曾錯亂。
			是為菩薩摩訶薩第八無盡念藏。
持藏——持諸佛法具大威力是佛境界	得十種無忘失		佛子！何等為菩薩摩訶薩無盡聞持藏？
		佛	此菩薩於諸佛所，聞持一品修多羅，乃至聞持不可說不可說修多羅，未曾忘失一字一句；於一生中而不忘失，乃至不可說不可說生，未曾忘失一字一句；
		法	聞持一佛名號，乃至聞持不可說不可說佛名號；
			聞持一世界名字，乃至聞持不可說不可說世界名字；
		僧	聞持一劫名字，乃至聞持不可說不可說劫名字；
		精進	聞持一如來記，乃至聞持不可說不可說如來記；
		禪定	聞持一修多羅，乃至聞持不可說不可說修多羅；
		般若	聞持一會名字，乃至聞持不可說不可說會名字；
		方便	聞持一時說法，乃至聞持不可說不可說時說法；
		願	聞持一根，乃至聞持不可說不可說諸根；
		力	聞持一煩惱，乃至聞持不可說不可說煩惱；
		智	聞持一三昧，乃至聞持不可說不可說三昧。
	是佛境界唯佛能了		是為菩薩摩訶薩第九甚深無盡聞持藏。
			此聞持藏，唯佛境界，餘無能及。

華嚴經菩薩十無盡藏品之六

辯藏——了知實相說一切法	佛子！何等為菩薩摩訶薩無盡辯藏？	
	了知實相說文無盡	此菩薩成就甚深智慧，廣為眾生演說諸法，不違一切諸佛經典，說一品法，乃至說不可說不可說品法；說一佛名號，乃至說不可說不可說諸佛名號；說一世界名字、說一佛記、說一修多羅、說一會、說一時、說法、說一根、說一煩惱、說一三昧，乃至說不可說不可說諸三昧；或一日說一句一味法無盡，乃至不可說不可說劫說一句一味法而無窮盡，一切諸劫尚可窮盡，說一句一味不可窮盡。
	出廣長舌說一切法成就遍法界無邊身	何以故？此菩薩成就十種無盡藏故。成就此藏故，得攝一切法，陀羅尼門現在前，百萬阿僧祇陀羅尼以為眷屬。此菩薩成就百萬阿僧祇陀羅尼眷屬已，以法光明辯才，廣為眾生演說深法；以廣長舌出妙音聲，充滿一切十方世界，隨順諸根，除滅煩惱，皆令歡喜。善入一切音聲，於一切文字得不斷辯入，普照法門，說一切眾生，如來種子不可斷故，不捨菩薩一切諸行，心無憂厭。何以故？此菩薩成就充滿虛空法界，清淨法身故。
	普入一切法門	是為菩薩摩訶薩第十無盡辯藏。此藏無量、無分齊、無間、不可壞、無斷、不可斷、不退轉，甚深無底，以一切法門，入一切佛法。
結會十無盡藏	依十無盡藏得十種無盡法	佛子！是為菩薩摩訶薩十種無盡藏，令一切眾生，究竟成就無上菩提。此藏有十種無盡深法。何等為十？（此處依文當具十法，多缺「故」字）
		佛 饒益一切眾生，
		法 善迴向故；
		僧 不斷本願，一切劫行故；
		精進 心無量無邊，觀察平等如虛空故；
		禪定 迴向有為，不著無為故；
		般若 一切法無盡，念念知境界故；
		方便 大願不可壞，
		願 究竟諸力陀羅尼行故；
		力 諸佛護念，
		智 入一切法如幻化故。
	是為十種無盡法，能令一切世間得無盡藏。	